

閩書


四十六之七

		九	漢書門
	一〇七		
四	一三三		
一	一三三		
冊	架	函	號

九
一〇七
一四七
五一三

內閣文庫	
番號	漢 9073
冊數	40 (14)
函號	292 86

十四



關書卷之四十六

北齊書卷之四十六

右丞政使司

右布政使 左丞政使 右丞政使


右參議 經歷都事 照磨 簿籍 各一員

俱兼職法武十三 理問正副 各一員

案牘一員 廣積庫大使 司獄一員

布政守備 二十 以來 諸事 官 定 員 各

...



此卷可除云

閩書卷之四十六

文蒞志

淺草文庫

皇朝

布政使司

左布政使 右布政使 中左參政 中右參政 左

參議 右參議 經歷都事 照磨簡較各一員

俱幕職洪武十三 理問正副各一員 俱屬 提控

案牘一員 埋問 廣積庫大使 大司獄 一員 司惟

二布政守藩參政而卜悉有分鎮沿革見福省

兼 衙

左布政使

葉茂

茂江寧人為儀鸞司使事太祖二十餘年精

意小心

太祖御極之九年始置天下承宣布

政使司皆妙擇廷臣克職而茂首膺福建之任敦本

務實治民事神咸極誠敬

鄭思先

思先學通經史為政寬猛適中同民好惡洪武十年

降主事

姚肇

肇富陽人洪武中舉孝廉試太常丞改職方主事以勤慎稱陞雲南右叅政論楮幣塞鹽井皆切時弊陞本省布政使

吳昭

昭孟縣人穎悟通博初授中書省郎中陞福建左布

政使興利除害民翕然使之會天變求直言中外寂

無應者昭條陳國事切中時宜詔書褒美

薛大昉

見張機

右洪武中任

張拱辰麻冕

冕全椒人繇國子生授刑部主事累本省左布政使
雖寬和寡斷而知民疾苦

右永樂中任

侯軌方正

正統十年吏部言正誘取福州已故指揮單剛妻馬氏為妾又與按察使謝莊俱在福州右衛百戶陳亮家挾妓飲酒下法司逮治黜為民

右宣德中任

宋璋黃興

一作黃懋周願

願字養浩會稽人永樂初徙巨室丁壯實京師願以兄當行而母老遂慨然上疏請行許之已入太學拜監察御史歷官有聲英廟改元遷本省左布

政使至則建侯官懷安二縣學開江山浦城道至今

稱便

徐璟宋彰

彰交趾人為本省參政與中官多親舊其餽王振至以鉅萬遂得陞左布政計營所費驗戶斂之於是鄧茂七因民怨讟乘勢而起不兩月天下震動羣盜聞風若火燎原實彰首禍詔繫獄論死遇赦獲免

陳員韜

見巡按

李文定

右正統中任

姚龍張琛

琛東平州人正統中舉人為衡州同知父卒廬墓不規家室服闋擢吏部文選郎中銓選公明為時所稱

仕至本省左布政使

右景泰中任

秦敬

敬字克恭涿人正統三年進士授刑部主事歷本省

左布政使為人雖麗豪自矜而清白精敏通曉法比

待士厚御史嚴出納錙銖不苟下人不敢為私擢右

副都御史巡撫貴州以病乞歸

右天順中任

張斌

斌字質中祥符人宣德己酉舉人歷監察御史整理

密雲邊務累立戰功

一

英宗念其久勞于外召

還朝尋擢本省左叅政成化初以各省方面多缺令

九卿各舉所知會同銓部內閣酌用於是李文達賢

薦斌擢本省右布政使旋補左乞骸骨歸斌宅心仁

恕行政寬簡別歷中外綽有待名

劉敷

敷字叔榮永新人景泰二年進士授監察御史歷湖

廣按察使改福建盜起海濱與憲副何喬新搗巢擒

之遷左布政使會入覲值彗星見疏奏十二條皆切

時事敷坦夷濶達不詭不激事至必解雖在倉卒酬

應綽裕終副都御史
路壁

壁安福人正統七年進士繇給事中歷雲南右布政
陞任先是閩中貢獻供億均取於八郡不計郡大小
壁視民數爲等差而均其役於郡稅舊各輸於近海
旁郡民憚海運之艱多鬻產往糴之列官穀價騰踊
壁第令各輸於其郡又閩中歲徵稅價輸京師吏胥
因緣悉以私意上下當道莫之省壁悉釐革之以病
引去

李田

田嘉魚人景泰五年進士總轄閩藩紀綱振肅以才
敏稱陞都察院右副都御史巡撫順天中官汪直用
事怒田不私謁遂歸子承勛爲時名臣

李嗣

嗣字克承南海人景泰五年進士授南戶部主事成
化中累陞福建右布政漳州有狂生善幻術醉後能
使人役草木邑吏上變藩臬議舉兵嗣曰激其反矣
單車往生家縛以歸尋轉左終戶部右侍郎卒以清

介聞

溫琮

琮華陽人歷官本省按察使轉右布政使尋轉左卒
官無以為歛御史劉信以公帑贈賻歸其喪

章格

格字韶鳳常熟人景泰二年進士以雲南按察使陞
本省布政使節財用公出納恤民愛士擒上杭盜魁
臧漳泉賦役之繁重者轉南大理卿格清謹坦夷望
之知為仁人君子也

右成化中任

戴珊

珊字廷珮浮梁人天順八年進士以浙江按察使遷

本省右布政使復轉左勲教養通財賦情法兩當論
治體者必歸之自奉儉約無他嗜好退食惟焚香讀
書終任不持閩中一物仕終左都御史被
宗知眷為弘治中名臣卒贈太子太保謚恭簡
陳賓蔣雲漢
雲漢字天章巴人天順元年進士授戶部主事陞興
化知府擢貴州左叅政改廣東遷福建右布政尋轉
左上疏乞歸雲漢在興化政尚寬簡獨馭吏如束薪
其總閩藩妻病革移外寢盜盜其金及捕獲皆廣東
與隸之資名識具存人以此信其廉比致仕同官者

贖之辭又使人出境強之曰若可受何必踰境也蒲田陳郎中其謂蔣公清節宜加寵異以示勸懲言雖未行識者韙之

洪鐘

鍾字宣之錢塘人成化十一年進士授刑部主事諳習憲典大司寇林聰器重之轉郎中江西福建流賊甫定鍾承命審處歸言福建之武平上杭清流永定江西之安遠龍南廣東之程鄉皆流移混雜武力相尚是以易鬪而生亂宜令有司多立社學訓誨弟子銷其兵器易以詩書歷江西右布政使著績兩省歷

陞左都御史加太子少保賜玉帶特命出總川陝湖河四省軍務平河陽洞庭之寇破藍五郢老之亂定土官楊友揚愛之變朝廷降七勅獎勵賜白金麒麟服進太子太保卒贈少保謚襄惠

李琮

琮字義方景寧人以山西按察使擢本省按察使為人恬簡無疾遽而當官有斷廉寬辯抑其總閩藩值歲飢極力拯救資序四十餘年僅至牧伯物論歎其

滯才

葉仲賢陶琰

琰字廷信絳州人舉成化辛卯省試第一登辛丑進士授刑部主事累本省按察使後由浙江右布政使陞本省左布政正德元年調山東陞都察院右副都御史巡撫河南以擊逆瑾黨徐謙坐下詔獄瑾誅復起累南京兵部尚書加太子太保琰自登第以及臨仕理繁劇禦寇盜屢試盤錯而守官轟然才足濟行自奉清刺飯惟一蔬朝鄉交譽為世名臣卒謚恭介常麟陳良器

右弘治中任

蘇葵

葵字伯誠順德人成化二十三年進士選庶吉士授編脩弘治丙辰當次同考會試柄臣屬其私人遂謝試事出為江西僉事督學鎮守內臣董讓作威福害縉紳誣奏葵遣法司盛洪等問治之洪閉門欲刑葵諸生數百排闥入擁葵去事得白改四川裝不能就其兄從建寧資之廼行後歷本省參政左布政使卒馬懋王縝

縝字文哲東莞人為人敦重寡言咲弘治六年進士選庶吉士授兵科給事中正德初為雲南參政劉瑾擅權牽咎罰米五百石俸不足鬻產以償瑾誅起為

右布政使俄轉福建布政使進副都御史巡撫應天
陳珂

珂字希白崑山人弘治三年進士自刑部郎出守河間
有神明稱擢福建叅政遷按察使時內使陶錦怙勢
張皇珂止直無諱陶亦自戢逆瑾用事遣御史捕鹽
徒盜賊株連汎濫珂屢與抗陞右布政使武平大帽
山鯨賊猖驚珂便宜發帑中錢具糗糧芻茭給官軍
賊就駢戮轉左布政使設賑貸法定縣役之條寬舶
商椒票之征建通濟橋七十餘民咸利之陞都察院
右副都御史巡撫河南入為大理卿珂敷歷中外三

十年章疏無慮數十餘大約皆經世大猷發先賢遺
意時未及用識者趨之景仰英強大學士卒謂大
胡韶伍符
符字朝信安福人成化癸卯舉春秋第一丁未成進
士選入翰林改郎刑部冢宰寧波屠瀟銓為其本郡
守入覲為海內守最歷福建左布政使入覲銓部復
考為天下方面官最累遷副都御史巡撫應天符外
嚴重而中平厚未嘗輕假人辭色在閩時嘗以裁省
月糧致閩卒脫巾之變然亦尋定

席書

書字文同遂寧人弘治三年進士知剡城有聲歷戶
工二部主事時雲南晝晦五日南京刑部左侍郎樊
瑩巡視雲貴奏黜貴州官三百餘員以應災變書上
疏極論
孝宗欣覽帖置座右擢河南簽事累
轉本省左布政使宸濠反王守仁傳檄諸省獨書與
按察使周期雍即日赴援宸濠敗道歸嘉靖改元陞
右副都御史巡撫湖廣大禮議起人持異見書私擬
疏草與張孚敬指合桂萼助孚敬倡言時正寡助錄
上書草召為禮部尚書累加武英殿大學士卒贈太
傅謚文襄

右正德申任

夏從壽
從壽字如山江陰人弘治六年進士授工部主事歷
戶部郎中為劉瑾所構落職瑾誅復官累遷福建布
政使嘉靖改元轉左海舶踰制巡海者欲沒入之從
壽曰海鄉以舡為業奪之是驅為盜爾已失舡者果
皆入海暴亂從壽榜招之廼首服時詔赦民田租之
半計閩中當缺軍餉數月從壽請畱歲解銀拾萬以
充懇疏至再廼得請時有沙姓者為廉憲閩人謠曰
地暑偏宜夏布風寒共怨沙廉臺諫遂據為舉劾焉

累加都察院右副都御史撫治鄖陽致仕

陳錫

錫字佑卿南海人弘治十八年進士授戶部主事嘗
司廩牧時逆瑾用事羣瑄布列雖束芻出納亦混主
計錫法繩之累福建叅政歷左布政使綏定叛軍鈎
稽乾沒樹立風紀綽有令聞擢應天府尹

陳祥

祥字應和高安人弘治十五年進士自縣令召爲御
史以直見忌出知惠州累福建右叅政未半載遷左
布政使冰蘖自持絲毫無染終右副都御史

查約

約字原博海寧人弘治十五年進士以南刑部郎出
爲福建僉事恭勤畏慎所至問民疾苦旌義烈辯冤
獄馴如悍治有異等屬郡旱疫癘大行躬勤禳禱給
藥療之清汛狴犴開釋無辜天大雨疫亦良已延平
邵武暨福州軍相繼煽亂約以單車申諭衆咸戢服
擢山東副使以憂去補江西進福建叅政治學舍廩
孤貧惠養士民徙左布政使歲游饑下令諸司椽上
納者悉出穀分貯諸倉備賑建議躋馬端肅劉忠宣
於祀典以訓官常合羅文節章文懿祀之專祠以勵

士節會有旨命尹應天繼命撫山東報皆未至侯官人林汝美以殺妻論死獄中車小二郡劇盜也與汝美同繫侯官令黎文會甘酒廢事二囚私賂守獄卒解免之遂得藏兵瓜中以索饋誣人嘉靖九年正月晦前一日二囚率衆破狴犴出殺令又破府中獄出之相與趨南門將入海約自以故有施閩中且前三郡兵亂悉其單身諭降銳身前化誨之言未脫口亦已陷胸遂與叅議楊瑀都指揮王翱按察司經歷周煥同時遇害經歷之僕以身翼經歷輒亦遇害賊遂由井樓門斬關直趨連江航海遁去官軍追之竟無所獲閩人皆痛約草草歿慟哭甚哀立祠祀之

宋冕

冕字孔瞻餘姚人弘治十五年進士授刑部主事逆瑾竊柄以謝文正遷故欲盡傾姚人之仕於京者會有一軍士犯法瑾欲罹以重罪冕出之瑾怒降冕金谿知縣歷陞福建左叅政興化有朱姓者倚兄勢橫行累被奏訴多賄寢免冕執論如律永春等處流賊猖獗劫去捕盜通判分巡不能禦坐失機鎮巡謂滅賊非冕不可越按境借冕行冕選精騎百人跳而誘之出險擒其長渠數人賊懼請易以所執通判冕知

賊必遁料地按伏擒其首從數千惟百餘人逸海上
盡推功於失機分巡使贖罪嘉靖改元陞河南右轄
尋陞浙江左轄查約遇害當道擇人繼之仍補冕冕
受事底定安集臺司久不決者多屬平允陞右副都
御史提督撫治鄖陽

張峨屠僑

僑字安卿鄞人正德六年進士嘉靖初以監察御史
出知保定尋調延平府僑在延平飭厲吏治事上不
阿元精明嚴毅人莫敢干累福建左布政使入覲不
一持土物八閩計吏戢戢奉範遷光祿累都察院左

都御史僑正已率下風采凝峻而潔情恕物有容受
之量

范輅

輅字以載桂陽人正德六年進士授行人拜監察御
史清戎江西疏論寧庶人奸狀坐誣繫獄謫四川宣
撫司經歷擢福建僉事備兵漳南累陞福建按察使
丁艱未赴後歷遷福建布政使卒官輅和厚精確遇
事勇不可奪臺諫風烈藩臬績樹卓然時冠

陸鈞

鈞字容之父偁見巡按鈞登正德九年進士授南京

車駕主事 武宗駕幸留都尚書喬宇叅贊機
務凡事引鈎共籌陞職方員外郎隨駕旗牌官輩例
分守城門怙勢騷擾鈎日爲點視錯綜中官有不服
者正色折之累轉福建左布政使以飛詭新增田補
浮糧額賦僉解戶革貼解費復十年出辦料額之法
述職京師冢宰許進以地方弊政詢諸方岳鈎條陳
數事曰鹽法曰積弊曰寺田曰盜賊許亟采上聞著
爲令甲陞都察院左副都御史巡撫保定鈎偉姿山
立氣度豁如不爲深刻崖岸而確然有不可搖奪者
敗歷中外所至有聲宦成之後田廬故業不長尺寸

周忠陳卿

卿宜賓人弘治乙丑進士有才名以廣西左布政使
調福建右布政使仍補左累都察院右副都御史巡
撫甘肅以軍功陞兵部右侍郎兼僉都御史

馮時雍車純

純字秉文上虞人正德十二年進士歷福建右布政
使未幾轉左蒞閩三載操執潔清民有車布不車金
之謠陞右副都御史巡撫湖廣純莊凝夷曠爲政持
大體衷典憲每言事率稱引天下長者
章僑婁志德

志德字存仁項城人正德十二年進士初知趙州陞
戶部郎出守杭州轉福建鹽運使以廉謹著稱先是
商人引領下場支鹽船無定式引無定數夾帶餘鹽
數難稽覈志德議溪船長濶限以定式約裝子母鹽
五百餘引海船三之革去打包置鐵索四條以爲掣
摯又建議設黃崎鎮分司東路官鹽始通累福建布
政使終副都御史

姜儀

儀字君肅南昌人正德九年進士以廣西按察使陞
福建左右布政使海寇大掠儀奮身整旅嚴賞罰賞

士卒殲其渠魁遂底平之居官自常俸外雖紙米凌
雜一一登記歲近一週積羨餘以數萬建寧諸路大
歉出庫金廩粟及所積羨援拯之陞都察院右副都
御史巡撫湖廣以疾乞休

蕭晚

晚吉水人正德十六年進士以刑部郎持法出為瓊
州守定黎佛二之變遷廣西按察副使定綠里賊撫
盧蘇與沈希儀擒岑濬子金轉廣東叅政按察使福
建右布政使尋轉左議加賦決疑獄爲人恂謹篤茂
而當官行法不尺寸徇人

屠大山

大山字國望鄞人嘉靖二年進士前方伯僑之姪自山東右轄轉左轄閩中其後以南兵部右侍郎巡撫南畿坐不能創倭下獄黜爲民隆慶初復官大山沈毅健決外峭內詳精法比平不妄入堅不輕徇

王積岑萬

萬宇體一順德人嘉靖五年進士授戶部主事歷福建左布政使遇萬壽節御史曾佩拜于上萬引却之曰拜下之禮按臣何獨不然御史啣之論謫廣西叅政遷河南右布政致仕卒祀蜀名宦

劉采

采字汝質麻城人嘉靖八年進士起家知宿州累遷左布政使蒞任期年疏乞致仕會家宰知采與九卿力言於時相擢巡撫山東石副都御史南兵部尚書采自為州時種蔬官署與妻孥共饘粥不發私書不寄耳目左右歷仕外服未嘗致要津一帛一金晉秩部院凡有章奏口占立就剴切正直朝廷多所稱允卒謚端簡

姜恩

恩廣安州人嘉靖二年進士歷福建運使省城官鹽

不通私販盛行至乘機為盜恩議開南港報商行鹽
化販徒為水客反私鹽為官鹽累本省左布政使
楊應奇趙維垣

雜垣永寧人嘉靖十一年進士少有才名

王國楨曾于拱

于拱字思極泰和人嘉靖二十年進士受業歐陽文
莊德文莊一見喜曰吾益友也以學術為事功他日
必有補益累福建左布政使時當倭訌諸道兵雲集
餉稍弗給輒脫巾譁于拱百計取盈假刺俸括羨緩
士各宿飽倭平以疾乞休後擢太僕寺卿終副都御史

王遵陳大賓

大賓江陵人嘉靖甲辰進士自上虞令為南御史歷
本省左布政使官終工部侍郎大賓豁達清介真節
自負講於學問能談時事若魏尚班超可並輿而游

右嘉靖中任

劉光濟陳典朱綱

綱字振甫曹縣人嘉靖二十六年進士授晉江知縣
廉慎仁恕櫛垢爬痒入覲不持一物擢監察御史累
本省左布政使

右隆慶中任

萬思謙

思謙字益父南昌人由進士授嘉定令矢身禦倭捐俸築城淹滯郎署轉光祿丞以長揖冢宰外補官至閩左轄盈縮中燹出納惟允庭無私謁帑有餘羨陞太常卿致書張江寧相勸復言官切直相忤致政思謙雅負才智經術而篤志學問因應成務根本性情劉侃沈人种張天馭舒應龍

應龍字時見全州人嘉靖四十一年進士累福建布政使精敏廉介帑藏嚴密諸郡縣所上鏹往往解役與吏通陽入而陰出之或先神文書令無所稽覈應

龍一見輒發其奸終其官吏不敢犯提調秋試綜理詳盡宿弊悉釐官終工部尚書

劉漢儒陶大順

大順字景熙嘉靖四十四年進士初郎工部歷陞福建按察使轉右布政閩藩司庫藏弗飭大順語左使治之不聽已果大亾庫銀悉逮官吏邏卒五十人於獄令各償亾三日輒比流卅浹大順曰盜多不過三人而繫五十人卽盜在是亦四十七人寃矣請代治獄左使喜屬大順大順悉遺之戒曰第往跡盜旬日來言福寧人與鐵工鄰居夜聞銷聲窺之所銷銀

元寶也以詣官工曰貸諸某家某家證之曰然首者以誣坐矣大順曰鐵工貧人游食誰有以五十金貸者此是盜也令索得之一訊輒輸曰盜者吏舍奴也使某開庫鑄酬我耳搜捕奴具得賊五十人皆釋御史將決囚請大順擇當殺者若而人大順第十人進御史置名筒中沐浴辰起再拜禱曰此民命某不敢專惟神告之禱畢探闔闔先後視大順甲乙序皆符御史喜謝曰公可謂上合天心矣轉左布政使終廣西都御史

大勳鄞人先選翰苑再入諫垣耽枕墳籍尚氣誼為延平太守重風化節冗費均免後一洗驛傳坊里積弊時方丈田大勳悉開弊竇但令七邑均派浮苗民便其不擾歲旱素衣步禱竟致豐登至扶弱鋤強摘姦揭伏優優如庖亦後以布政參議分鎮延平累陞福建左布政使

李承式郭子章
子章泰和人隆慶五年進士好學著書善鑒別文章有才略兵部尚書終官

朱運昌見王恩民徐學聚見范涑

涑徽州人講於學問其子來官舍省視衣布而已

丁繼嗣袁一驥覲寶子併

子併字可揚合肥人萬曆壬辰進士守泉州守法不苛一廉如水仕終左伯

陳道亨

右萬曆中任

右布政使

范謙

謙澠池人聰明重厚博通經史累官本省右布政使

右洪武中任

劉瑾

瑾澠池人姿貌魁偉孝友力學永樂初以貢授本省

右布政使

鄒昱

昱華陽人永樂初由國子生授漢中府同知擢本省

右布政使雖無可否事而寬簡著稱

右永樂中任

孫昇吳福

福字好德鄞人建文庚辰進士授禮科給事中歷本省右叅政陞右布政使謹厚有執治行甚著其為給

事中時使琉球遇颶風中貴人以下皆謀禱海神福
惟戒舟師謹艤舵而已

右宣德中任

范理

理字道濟天台人踰冠中宣德四年鄉試第一明年

會試第三

宣宗召諸進士親試齋官置理第

二賜白金指幣選知江陵縣少保楊溥薦知德安府
滿去以晁超陞福建布政使均徭役平摧科黜貪獎
廉大兵剿賊鄧茂士理司饋餉善調度朝廷加其功
賜綵幣表裏仕終南吏部侍郎

石瑁

瑁字信之應州人宣德八年進士擢禮科給事中正
統九年以金華知府超陞福建右布政使謹飾不務
竒節而樸實恂幅與民相宜進南吏部侍郎禮部尚
書嘗承旨周章為 英宗所不喜上章求退

英宗復以其篤實留之

右正統中任

劉讓

右景泰中任

朱英

英字時傑桂陽人正統十年進士授監察御史十四
年奉命撫綏閩浙計獲首賊周明松諸黨悉平成化
五年陞福建右布政福建八郡歲輸大青大綠然實
非土產直備價走鬻他省吏胥為姦青綠一觔至料
銀十餘兩英減其值三之二擇屬官廉能者先期鬻
貯之提督市舶中官死鎮守太監分其貲遺藩臬諸
公英不能却受而輸之庫累左都御史掌院事卒贈
太子少保謚恭簡

王高

高安福人正統中進士高父芳孫為山東河南布政

使清慎自持璽書褒美高歷本省布布政居官四十
餘年人咸重其有父風

鍾清

右天順中任

錢璉陳渤徐貫劉瑀葉宣張玉

玉吳橋人成化中進士任監察御史有直節歷福建
副使轉本司按察使布政司右布政使在閩十餘年
凡盜賊隱伏人民誣罔不軌之謀不均之賦悉知根
底摘發裁革俱得其宜進順天府尹終右副都御史
巡撫遼陽

郝順

順字致和東莞人天順庚辰進士以江西左叅政坐累左遷石阡知府累福建右布政使終江西左布政使雅尚恬退雖中遭挫抑而志操益勵歷官四十年家業不益於初仕

張斌温琮戴珊

並見左布政

右成化中任

陳瑗

瑗字大玉祥符人成化八年進士授戶部主事歷福建右布政使事有利弊與同官以漸興除不肯專主嘗病文移亂真廉察之果得偽印十餘皆出老軍吏手悉擒治置法閩城中故有渠通潮汐縱橫如井形湮塞六十餘年瑗浚治之後轉江西瑗為人和厚居官不以威嚴臨下所至自理都察院右副都御史終官

李雲

雲字時望宜興人篤孝反舉進士歷官有聲累福建叅政轉右轄

李韶夏祚

祚當塗人成化十四年進士為兵部給事中歷叅政

終本省右轄有平易之政致仕歸
郭紳車璽白圻

圻字輔之武進人成化二十年進士授戶部主事歷
福建左叅政勦汀漳賊有功陞右布政使累擢右副
都御史總督儲南京圻生長貴遊温恭謙抑禮交天
下賢者究心痛隱屑於猥瑣繁劇之務

官不右弘治中任

鄒文盛

文盛字時鳴公安人弘治六年進士被簡為吏部給
事中陞兵部左給事中以忤權貴出守保定歷福建

右布政使累南京戶部尚書文盛體貌端凝襟度洞

豁歷官三十餘年恭謹廉飾據法守正卒贈太子少

保謚莊簡

龔弘姚鎮

鎮字英之慈谿人弘治六年進士自禮部郎出為廣
西提學僉事轉福建副使值山寇焚掠邵武之建寧
鎮巡使往視之鎮籍被兵者萬餘家瘡痍之民賴以
甦息事竣署臬司篆汀州大帽山賊七千餘人攻武
平承檄往禦下與泉集鄉兵赴救賊聞風遁迺叅審
形勢集諸軍討之賊餒甚間道走江西入南豐新淦

樂安永定民有賴師智者部五百人出身禦賊所部
多戰歿賊又陰襲其家有司不能卹由是師智擁兵
自保而已鎮日壯士也撫而用之師智請効死諸軍
倚為重改督學使者敏閱精記閱後皆能舉其文一
被品題輒以次登賢書與泉寡通春秋建汀鮮易學
為延名經分教之閩士通經始全復講求古禮召諸
生肄習修闈中諸大儒書院增其祀田恤其後裔而
以林栗顏棫與朱子為冰炭斥其學宮之與祀中官
廖堂永定人也其侄鵬以子囑鎮守太監崔安營入
試場峻拒不許正德九年吏部旌天下方面官十有
五人鎮與馬陞貴州按察使轉福建右布政凡輸錢
穀不責羨餘農民承差失班者故聽罰金鎮答遣之
而已陞山東左布政使終兵部尚書總制陝西三邊
杭濟

濟字世卿宜興人弘治六年進士歷福建提學副使
崇雅黜浮士習不變轉右叅政提調秋試多拔名士
漳中盜起督餉進征往來彌歲豫遏其謀分守邵武
民大和會其後自河南左叅轉本省尋轉右轄簡省
徭賦致仕與仲弟都憲淮並負才名家居友愛壽八
十餘

華杲

杲字文光無錫人弘治九年進士改庶吉士擢戶科給事中疏劾會試王者罪被逮既免遷南京大僕寺簿累遷福建右布政使軍士以食缺唱譁羣情洶洶杲至曰支不折食不缺議請干朝而更之復梓行八郡均徵之籍以杜後弊清戎之政故屬藩右率以官重弗躬杲歷八郡悉周遍賊彬竊柄要賂諸藩脇以竒禍杲不為動彬校入境遽去

夏從壽陳錫

並見左何詔

詔字廷綸山陰人弘治九年進士為南工部郎以忤逆瑾坐累下獄歷南建右布政終南京工部尚書平生直諒而未嘗以氣加人守官奉公務本體不求赫赫聲嘗語僚屬曰事求稱食天未有弗報者卒贈太子少保

丁沂

沂字宗魯溧水人弘治十五年進士郎南刑部門無私謁獄無怨辭累本省右轄吏畏民懷都御史終官

陳祥

見左馮馴

馴字行健岳池人正德二年進士歷興化知府政尚

威嚴閭里輕俠姓氏悉誦跡籍記之時有惡少十餘輩蒲博眩篋睚眦之恨輒日為仇家而中之仲猾以下又相與竊竊効尤馴以計束治諸惡少業窘廼悉按之法無一縱舍嘗著虎枕銘其序曰太守抵方壺適多警虎三日兩授首鼠狗足評乎太守徵其方之將靜裁體作枕而寢其鄴銘曰非爾體吾何枕非爾鄴吾何寢起視海岱吾安吾朕視郡士年里不得有豪民不知有吏後擢本省右轄轉江西左使

錢宏

宏字可容錢塘人正德二年進士以廣西按察使轉

福建右布政使剔壺劇刁猾斂避湖廣左布政使

進右副都御史提督南贛宋爽剽博碩臨事存大體而疑峻方毅有不可奪者

吳昂

昂字德翼海鹽人弘治十八年進士以雲南僉事改福建福寧有訟妻殺夫者詞證不相佐輒坐妻死昂閱獄疑之禱於神夢一小兒據人腹昂不能解百方踪跡或告曰鄉有杜福子者嘗與其夫合資行賈其夫死福子家廼驟饒昂曰小兒據人福非杜福子耶密遣邏卒縛至一訊而服閩人呼吳青天陞山東按

察副使備兵徐州當是時桂文襄公初入吏部諮訪
人才魏莊渠歐陽恭簡力薦昂昂至徐僅逾十旬遂
擢福建叅政閩人聞之喜吳青天復來也進右布政
使出納清允吏莫敢奸雷震譙樓昂曰罪在官長備
位方伯敢不引咎卽日上疏請老歸携圖書數卷士
民攀援車枳所過父老扶携進茶果泣送之
王學夔

學夔安福人正德九年進士郎文選守正庇善為時
相所惡出為南太僕少卿改太常復中他事調外任
為本省布政使歷南禮二部尚書乞歸學夔文學深
淳操履廉潔中有才畧不屑自露人不知也

何鰲

鰲字子魚順德人正德二年進士知慶元治聲藉甚
召為御史歷本省布政改湖廣所至頌德

張欽王浚徐乾

乾字健夫臨桂人正德六年進士自廣東叅政陞福
建按察使以忤直指意不列薦書朝議紛然卽擢乾
福建右轄隨擢湖廣左轄用快公議乾性行直亮多
與世忤又坐王親格令甲不得內遷屢遷疾乞歸湖
廣巡撫顧璘獨期其可大用請改授卿佐職名在外

巡撫不報屬
京獄具罷歸
周忠傳鑰
鑰字希準廣陵人正德六年進士授禮科給事中屢
言時事論備邊一疏兵部尚書王公瓊曰吾不能言
也其後以江西叅政遷福建右布政使終巡撫河南
都御史鑰寬大廉醇斷獄輕文待下掩惡而揚善至
於利誘勢怵則屹然山立居外二十年不以書干中
朝貴人頽然自守而已

詹翰車純

見左布政

歐陽席姜儀蕭晚

儀晚並見左布政

喻智侯

緘張鏊

鏊字濟甫南昌人嘉靖五年進士簡庶吉士陟部郎
奏毀寶玉佛像力拒徵藩田租督浙學政得人最盛
以祝辭忤時相改苑馬卿轉閩憲復轉右轄至南兵
部尚書先時相度畱都險要分水陸兵首尾聯絡俾
江南北免倭寇荼毒皆鏊力也

曾鈞

鈞字廷和進賢人嘉靖十一年進士始仕大行擢南
垣歷本省右布政終刑部侍郎別歷中外三十年遺
愛遐思所至若一而奇氣峻節海宇仰之卒贈刑部

尚書謚恭肅

談愷

愷字守教無錫人嘉靖五年進士授戶部主事以山

東按察使陞福建右布政所在職舉累兵部右侍郎

兼僉都御史移鎮兩廣蕩平閩寇都察院右都御史

終官愷閱爽敏練久官戶部版曷錢穀之數灑灑如

指掌曉暢兵事臨敵遣將親授成策羽書雲布悉自

手出

朱鴻漸汪宗元

宗元崇陽人嘉靖己丑進士仕為副都御史矣柄臣

嵩睨其不附已謫為福建叅政尋轉右布政使外禦

倭寇內察民瘼復三運八運法歲省民金萬餘釐其

賦為正辨雜辦檄汀建諸鹽商使畫疆而粥又檄南

臺洪塘去其互稅鹽利以興商不告病轉江西左布

政終通政使致仕

姜恩

禎游震得盧夢陽陳大賓規政塗澤民劉光濟

右嘉靖中任

劉佃劉子興

子興字賓之海陽人嘉靖二十年進士起家臨海令

歷閩臬藩端介慎事俸入外不他多一錢轉粵西左
轉致政歸行李蕭然

周賢宣

賢宣萬安人知延平山寇蘇傳等倭亂流劫督兵敗
之浙兵經延偶為變衝入府闔城驚擾宣獨坐宴然
呼頭目嬰撫之頃時即息擢副使漳南道勦滅山海
巨寇創建海澄寧洋二縣及移南靖城以貽安利繼
本省右布政使與縉紳諸生為講學之會

右隆慶中任

熊琦劉侃劉繼文朱奎吳文佳舒應龍

見左吳一闌

張焚城蔡汝賢陶大順祝政陳文燭

文燭字玉叔沔陽人嘉靖四十四年進士弱冠脩古
與吳國倫王世懋相善嘗治淮陽有聲歷閩臬藩皆
稱以文飭治仕終大理卿

帥蘭張偲

偲新建人隆慶二年進士歷官有清節仕至都御史
巡撫貴州

費堯年張孫繩王之屏

之屏字汝憲潁州人嘉靖中進士起家永嘉縣累官
福建布政使正大嚴明廉介自勵

劉孟雷朱運昌見巡撫陳性學

性學字所養諸暨人歷官福建按察使晉右布政為人寬和撫下有恩延接士大夫以禮時值稅使入境人心洶洶性學多方調停民既不擾稅使又蒙其成遂薦之為時議所短其實閩陰受其賜臺省莫知也

徐學聚見巡撫徐應奎袁一驥見巡撫陳邦瞻

瞻字高安人博瞻文詞好善如不及在官民籍

寧一兵部侍郎終官

竇子倂見左布政使

右萬曆中任

左參政

瞿莊木六十五歲

莊有文學仕參政時當設官之初以刑部尚書與唐俊出任此時尚以右為尊俊為先莊次之

魏鑑

鑑洪武九年與瞿莊同時為左右參政有吏犯法寘之極刑太祖特賜璽書曰朕觀上古天下之

治亂在於君臣能馭不能馭爾若君能則馭臣下以禮法臣能則馭吏卒以體上治繇此矣若君罔知所以馭臣下臣下亦無知以繩吏卒亂繇此矣或云吏

卒小人何預治亂雖小人也施小詐偽動傷國政所以始亂若吏卒守分民無枉擾則民悉安所以朕嘗下令入於條章若吏卒背理違法繩之必地正欲使上官馭之以禮次嚴以法令布久矣人皆貪官動為下持所以國政無施下民受枉朕竊恨焉九年秋丞相奏福建兩叅政致極刑於一老吏朕聞當哉若不如律者數加筆或有他論故往諭之今後勿令欺侮方稱是官後守制家居言之太祖廉其居官廉潔復賜米六十石鈔二十五錠為守服之用

蔡哲

哲字思賢武昌人仕陳友諒來歸授江西行省理問陞右司郎中命往贛州招諭熊天瑞遂遣子入朝擢哲中書省叅政命往蜀報偽夏明昇聘哲因挾畫史同往圖其山川險要因言昇可伐卒用其策改四川僉事尋進福建叅政瀕行

太祖諭之曰君子

立身行已辯義利夫義者保身之本利者敗名之源福建地瀕大海民物富庶番舶往來私市者衆往時官更多計利陷罪今命卿往必堅所守哲對曰臣以菲薄此承恩命敢不盡公圖報

太祖曰公即無私義之謂也私即無公利之謂也胸中如止水明

鏡毫無意累然後揆事度物廓然無滯微有芥蒂即
不得公卿宜勉哉哲至官廉明自持以正風俗合人
心為要未幾復召還為御史

王鈍

鈍字士魯太康人洪武十年舉秀才授主客主事後
復舉明經授大名通判屢遷福建叅議叅政寬慎廉
介民懷其惠坐轉漕不給當罷特宥召遣持節諭撫
麓川平緬却其贈金或曰夷且疑貳奈何鈍受之悉
輸雲南省藏還陞浙江左布政使建文初陞戶部尚
書靖難兵至鈍踰城走

建文間朕骨肉今何顏耶鈍頓首謝命致仕月給尚

書半俸

阮崇禮高暉呂崇藝

一作吳

右洪武中任

房安

安汝陽人洪武中繇國子生擢北平僉事歷江西按
察使永樂初謫戍興州召為監察御史陞本省左叅
政其後以工部侍郎出叅山東藩坐為同官魏英所
誣謫戍交趾得白改四川叅政安嚴為治撫良善糾
貪墨郡縣肅然

張貫

貫靈壁人洪武中由太學生擢北平左叅政歷江西四川福建所至寬簡為治坐事左遷真定知府尋陞順天府尹

楊景衡

景衡永嘉人永樂中鄉薦以吏部郎出為福建左叅政成祖北征用輔臣薦命總督糧餉既班師復任臨軒慰諭之曰聞閩人望汝如渴急往無怠後以老乞致仕年八十餘卒景衡寬厚平恕識達治體居官八考在閩中垂三十年

蕭禮王平

平新繁人洪武中以御史遷河南僉事行部孟津宜陽屬吏有謀以貨撓法者平以狀聞特勅褒獎陞本省叅政累官右都御史

祖述錢祖彭森

森字伯森南海人有文藝援筆輒萬言中永樂甲午鄉試第一明年登進士授監察御史陟福建叅政始未第時聘同里女微矣及得解其家以窶辭且曰弱息貌寢不可事官人森竟成婚黃佐謂其居官無間而以盡倫方劉廷式

右永樂中任

彭春顏澤

澤江陰人為福建叅政以母喪去官民二百餘乞留

于按察司按察司以聞宣宗曰方面非親民

之官而民不忍其去必有惠政及人可令還職以副

所望

張璘

璘字文玉黃岡人永樂中進士歷官山東叅政改山

西調福建所至恤民以考最陞應天府尹廉潔幹濟

不屈中官雖讒說殄行終不能咀

胡廩

廩德州人由國子生歷事內庭擢工科給事中為

仁宗所知擢右副都御史宣德初採木巴蜀以

貪虐安置遼東已會恩赦復職宣宗曰都御

史受贓罪當加常人但恩例不欲失信姑降之外任

改授本省右叅政廩至遂能自新奉法嚴謹而蒞事

寬大

右宣德中任

楊盛宋彰別見吳高

高字志高歸善人宣德八年進士以刑部郎出為福

建叅政好學能文

陳瑛周禮王士華

右正統中任

許仕達

見巡按李顯

顯字思誠博羅人正統元年進士景泰間僉福建按察司事公明有斷陞叅政提督海道興化有豪家隸我籍連姻衛帥怙勢武斷顯部置之法遷山東布政天順四年歲當朝覲詔簡天下官政行超卓者得十人顯與焉賜金織襲衣宴于禮部仕終工部右侍郎

張斌

見左布政劉讓葉萱

右景泰中任

徐敬杜寧

寧天台人宣德二年會試第二人授編脩正統中典會闈得岳正黜落中驚歎曰此前輩中人遂擢第一人服其鑒歷南兵部侍郎天順初坐與于謙厚調福建左叅

李昂

昂字文舉仁和人景泰三年進士以兵部郎出知青州府年始三十有一將蒲去民狀政績三十四事上於巡撫大臣願留終惠俄陞福建右叅政旋補左民

刻像表海亭列邑皆置祠或有寃不得伸者輒走祠
下愬之累都察院右副都御史趙鼎三十四年上
右天順中任
趙鼎鍾清陳賓徐貫應顯

顯字文明淳安人正統十年進士授監察御史已巳
之變閩礦寇亂命顯捕治之復調湖廣按察僉事征
蠻撫捕具著勞勩轉福建副使叅政顯敦厚廉謹謙
退弗炫剔歷中外四十年所至軍民悅服縉紳推重

陳穢

穢字仲方番禺人天順八年進士授南戶部主事以
介持為王恕所稱歷福建參政巡歷所至吏不容奸
晉廣西右布政使
俞俊劉孟熊達
達字達章南昌人成化十四年進士為溧陽令尋擢
御史劾道士崔志薦名儒章懋張元禎陳獻章遷本
省叅政坐忤逆瑾致仕值逆濠構亂以死自守卒免
干禍

王子言李雲

見右布政

右成化中任

羅列陳策

列南海人弘治進士以南御史出守漳州老成靜重
不察而斷南沿豐黃四羅大師納亡命時出抄掠雲
霄間列率兵臨六擒其魁獲黨二百五十脅從者撫
治之遂以功陞叅政

策字嘉言無錫人弘治六年進士授戶部主事歷本
省左叅政汀漳寇熾鎮巡舉策往征道經同安巨寇
蘇世浩勢尤猖獗策首降之携至汀漳汀漳寇氣奪
榜到爭先降附策因撫諭之曰吾欲返爾田宅予爾
親戚爾顧欲肉猥鴟鴞乎衆稽首曰昔人禦詐今公
推赤知當命盡敢以死籲策皆遣之汀漳按堵如故

省城軍士有因前政給糧踰基而唱譁如叛狀者達
官里居三人沮之未信曰必得陳叅政榜文策虞反
側未卽給也惟以利啗其黨而喚之渠魁旣得餘悉
弗問城中無急策念民苦急徵軍樂蚤支亂是之繇
復䟽請歲留餘銀九萬以備軍自是糧給弗缺遷江
西右布政

宋冕

見左布政魏榮

榮字喬新建人父默為光澤令榮弘治十八年進
士以吏部郎中叅政閩藩時古田盜周馬良等巢穴
巖谷縱掠旁近或獻議臺使曰杉洋盜藪也屠之使

無所舍。祭曰：杉洋千家，豈有盜耶？渠魁未獲，可毒無辜。臺使感其言，屬祭經畧。祭至，勒兵守要害。徐遣父老諭盜曰：首亂者周馬良，也能擒馬良，餘悉罔治。盜大喜，縛馬良詣軍，遂許解散。御史上祭功，進俸一級。遂畱鎮古田，頃之流賊入界，祭適自古田行旁，小縣縣令暮出不還，召簿尉責之曰：縣小無城，賊奄至，曷禦之？簿尉頓首，祭廼勒市民健者二百人，銜枚夜伏。約鼓為號，夜半賊果來，鼓作伏起，擊殺數十人，餘皆奔潰。生捕一人，訊其黨與姓名，連夜躡捕，了無遺者。自是終祭任，流賊無敢入界。吏民繪像祠之。晉左叅政。其後祭子良貴，以大理評慮囚，閩中古田民間廼公無恙，則知祭捐館久矣。相與哀哭于祠下。

查約

見左布政徐問

問字用中，嘉定人。弘治十五年進士，以廣平推官歷知登州、臨江二府，累轉本省叅政，論事侃直，出身任利害，講求禮樂，以挽頽風。人推先進之遺，仕終南戶部尚書，贈太子少保。

右弘治中任

吳昂

見右布政崔桐

桐，海門人。正德十二年進士，吏聲甚著，累遷禮部右

侍郎

何鰲見右布政

右正德中任

黃宗明

宗明字誠甫鄞人正德九年進士授南兵部郎上防

寧庶人策諫南巡嘉靖初與議大禮多所建明歷福

建鹽運使召脩明倫大典陞光祿卿應詔言四事

世宗為之霽威仍出叅閩政終禮部侍郎宗明

遂於文詞與霍文敏講王文成學

陳子直張時徹

時徹字惟靜鄞人嘉靖二年進士授南曹郎與呂柟

鄒守益顧夢圭相切劘改督學副使江西中忌者罷

歸未幾起備兵臨清轉福建叅政福建郵吏無準豪

者虎而瞰其鄉為度嘗笑占徭作定費出一登諸籍

歲按行之汀民胡賤仔孩而孤宗人利其貲誣賤仔

尺籍子也賄王者名攝賤仔積不白時徹偵賤

仔有母詰之母初恚其主母奪嫁已匿不吐覆用左

語旋折之迺得其實閩人大服終南兵部尚書時徹

為人端重驟見嚴駟難近少選坦俞款洽遇事敏而

密於理用健決為快所歷官盡吏事而更畢驚墳雅

垂老不休

顧望圭

見按察使

李香

香字汝蘭分宜人正德十五年進士授工刑二部郎

出僉事廣東備兵高肇竒績甚多擢山西雲南副使

本省參政勵廉正嚴關防清吏胥慎出納風望崇茂

仕終大理卿

馬坤

總南戶部尚書

劉富李遂

遂字邦良豐城人嘉靖五年進士以行人禮部歷本

省參政才猷霍赫綽有令聞後以忤權遭擯落仕終

南兵部尚書徐文貞稱遂藏蓄如深山巨川不可測

識變化如蛟龍不可指擬舉而措之如和風甘雨疾

雷迅電交發而互至

汪大受張臬

臬字正野進賢人嘉靖五年進士授刑部主事歷山

東參政解送試錄犯諱謫靈川典史後歷陞本省參

政終兵部侍郎總督閩廣右都御史綽有時名

王璣

璣字在叔西安人嘉靖八年進士從王文成學以兵

科給事中歷陞福建左參政所至道誼見推終右僉

都御史璣容貌魁偉言動詳慎望之如崇山巨嶽嘗

言平生無過人惟出處自覺分明未嘗少有降屈
汪宗元見右熊洛布政洛字景之南昌人嘉靖十一年進士歷佐閩藩臬有
政聲官終府尹平生不附權倖不謁政府操持足尚
也

朱徵萬衣許應元翁時器塗澤民楊準

右嘉靖中任

熊琦陰武卿

武卿字達夫內江人舉省試第一嘉靖三十五年進
士以南部起家累本省左叅政政行趨車與叅將俞
大猷有平倭功終南兵部尚書數陳邊事悉當廟謨
武卿詳整嚴密動止有尺寸至遇大事決大疑取裁
一心不少疑滯

右隆慶中任

宋豫卿楊芷馬顧澤王元敬郭孝顧褒王世懋
世懋字敬美太倉人尚書忬之子而尚書世貞弟也
嘉靖三十八年進士自南禮曹即歷閩臬提督學政
大試期逼星馳校士數月畢事座主同年子一無所
私鄉舊有仕閩中者為人求請並不徇從其所評騭
文品確核精當甚至肖其平生見者駭以服作習說

示新舉子使破習俗習氣之陋以幾聖賢德業追前輩事功俄進左叅政分守福興盈庭之訟決於片言有所譏駁卽老吏莫敢措手若素習吏事而不但以文學名仕終大常少卿卒

費堯年馮攷鄒墀胡心得徐卽登

卽登字獻和豐城人萬曆十一年進士先以副使提督學政內和外嚴不戒而肅講學於李豐城之門為高弟

楊德政王道增石崑王金忠士洪世俊

世俊字

歙縣人萬曆進士初為同安令淳龐若

赤子以慈愛為治而禮法教人寬然長者也太常寺卿終官

右萬曆中任

閩書卷之四十七

不文蒞志 蘇國倫文于縉門感命書之曰吳煇并出

皇朝 吳煇 王立言 懷不 蘇煇 今 雷 吳煇 蘇煇 蘇煇 蘇煇

右參政 蘇煇 蘇煇 蘇煇 蘇煇 蘇煇 蘇煇 蘇煇 蘇煇

唐俊 蘇煇 蘇煇 蘇煇 蘇煇 蘇煇 蘇煇 蘇煇 蘇煇

俊南陽人時參政初設自刑部尚書出任為人誠信

廉介終始不渝洪武初授兵馬揮使并監察御史以

政事著稱

宋亮

亮字均禮魚臺人為入魁梧英發初名克剛慕諸葛

武侯之為人遂更名亮辟儒學訓導未幾復有經明
行脩之詔擢本省右叅政撫綏有聲民懷其德值回
祿引咎罷歸

右洪武中任

任勉

勉字近思寧波人洪武二十七年進士以番禺令最
陞知瀘州番民詣闕請留移饒州用薦爲福建右叅
政勉長身王立言動不苟初令番禺欲盡剷舊俗有
不便者或黏匿名文于縣門勉命守之曰是教我也
俾勿壞後潛自毀去

葉春

右永樂中任

吳福

右宣德中任

徐陞朱昂其敬脩段實許振張瑛
瑛建德人以刑部郎陞建寧知府嘗被檄署按察司
事有聲鄧茂七賊黨二千餘逼郡城結寨時出剽掠
瑛及典史鄭烈帥民夫吳保等會都指揮徐信分三
路暗襲之斬首五百餘拔其寨陞右叅政仍掌府事
復與其季父敬提兵與茂七黨林拾得陳保戰不利

死之事聞贈按察使錄一子主簿弘治四年建守劉
璵奏請立祠祀之

右正統中任

陳蕙趙昌

昌涇人景泰五年進士歷戶部郎以忤中貴謫長沙

同知有平寇功成化初復為郎奉使檢閱蘇松灾旱

奏減秋糧三十萬歷本省叅政遷山東右布政

陸景

景字明昭常熟人景泰二年進士歷刑部郎出叅福

建奉勅巡海道先是有商率辟船通諸夷遇他船無

問官民皆掠之殺人浮海上數歲莫能捕景鍊兵發

艦跡所至擊擒之併其酋皆伏法刻倉庾宿蠹修玄

鐘營壘治其兵器漳泉二郡水嚙郭堤捍之閩人服

其威惠俄以讒罷歸

右天順中任

劉觀馮遵

遵字宗轍南海人天順四年進士筮吏部郎清謹有

名出為福建右叅政盡心所職民懷其惠

劉大夏

大夏字時雍華容人天順二年舉鄉試第一明年成

進士歷職方郎中所奏覆多當上意大司馬倚之若左右手太宰能其才欲以為少司馬大夏亟請外得福建右叅政已遷廣東左右布政三任藩宣講求民瘼吏弊所創革必經久不為目前計其在閩中職專督糧催科無擾倉廩有十餘年蓄聚後歷兵部尚書為孝廟時名臣卒贈太保諡忠宣

秦夔

夔字廷韶無錫人天順四年進士以建昌知府擢本省右叅政素性剛直發奸平枉有治行名進江西右布政使

沈暉

暉宜興人天順四年進士授南戶主事歷本省右叅政時所司有銀礦額外之賦暉按之落職御史欲翻案出所司罪暉執不可御史怏怏不自得卒如所治終南工部右侍郎

王範魏瀚魏元

元字景善朝城人天順七年進士成化中授給事中抗論萬貴妃家兄弟章數上不報詣殿庭免冠泣諫復與給事中徐恪論辯慈懿皇后當祔廟卒得成禮後忤輔臣出為本省右叅政母喪歸葬廬墓

三年事聞旌表

楊禮

禮字時叙易州人少端厚誠確有遠志刻苦嗜學無間寒暑天順元年第進士授工部郎以忠敏稱九載陞南京繕司郎中尚書吳公遴其才堪繁劇奏留北

憲宗特

念賢勞久任超擢為福建叅政比至倭寇竊發奉命專巡海道設方畧禦要害尋以事謫謫遷公論惜之

右成化中任

陸淵

淵餘姚人成化八年進士初宰合肥擢監察御史終福建叅政卒於官箚無餘帛子三人相棟幹並舉進士

劉道龐泮

泮字元化天台人成化二十年進士歷工刑給事中上二十疏中官怨詆出叅本省藩政分守漳泉興福四郡福安庫被掠縣官利在得盜雜捕平民拷掠泮至權其罪活十餘人盡絀知縣丞簿會布政使當入覲臨行病故泮以次往檢布政所治裝有金千餘悉置不取曰覲後問遺一部書足矣宋儒黃勉齋有故

宅為中貴香火院泮訪得毀之以祀勉齋士論快焉
夏昂
昂字景德宛平人成化二十年進士被簡為工科給
事遷禮左擢湖廣叅議久之遷福建右叅政每至公
邸食單服笥必露檢乃入諷訪民瘼動存儉節終工
部左侍郎

蘇葵

見左布政杭濟
見右布政臧麟

右弘治中任

孫燧

燧字德成餘姚人弘治六年進士以刑部郎出福建

叅政總督儲糧清脩絕俗果敢有為詢民情察利病
緩急而興革之一時藩臬臨事多資於燧後歷陞江
西巡撫都御史成宸濠之難贈禮部尚書諡忠烈

艾洪陳錫

見左布政蔡潮

潮臨海人弘治十八年進士改庶吉士授兵科給事
中貴柄用建議遣言官閱驗天下府庫務在擊搏漁
利潮推擇當詣閩保惜元氣以存大體閩人頌之轉
右給事中歷本省右叅政奉璽書督儲至則躬冒水
災徧歷諸郡運方略以靖海寇嚴徵令以給軍輸相
地險隘輒置關梁荆棘蒼蔚化為康莊擢河南布政

使道出建郡郡故有橋名朝天跨交溪捍流適燬於
火舟濟艱危民因攀留遮訴潮為留數月解衣為倡
聞者子來無何畢工人擬蔡端明萬安橋焉

侯位郭持平

見按察使張琦

琦字君玉鄞人弘治十二年進士以大理寺正出守
興化簡易清靜訟質成者輒風諭使講解簿領煩科
一切不省視守郡六年毋論鞭笞且不色聲琦善為
詩務極立遠雖一草一木妙成象外在興郡與林貞
肅諸公往來賡和有詠海棠一絕莆人傳之陞本省
叅政乞歸人比之賀監云

右正德中任

王學夔

見右布政張鉞

鉞字文輔安仁人正德三年進士授遂昌令擢監察
御史發廷臣附宸濠奸狀

武宗欲南巡率同

官伏闕疏諫累遷福建叅政貪墨吏聞風解綬終南
工部侍郎

王浚張儉胡宗明

宗明字汝誠績溪人高祖彥申成化申督逋於閩會
歲大饑欲全民命而難慢上旨乃自矐其日以廢疾
聞閩人得緩督責羣聚籲天而救之嘗自詫曰吾必

有後及宗明登進士累遷叅閩政念先人遺愛之鄉
下車首問疾苦則知閩多山澤利稅率遷徙不常而
通播滋衆官司莫誰何率委其征於窶筑而豪右坐
業其利乃盡括見產而則之賦且均其不根無歸者
積困頓蘇豪右不利嘖有謗言會遷長蜀臬去而某
御史按閩者素不懽於宗明入豪右言遂疏宗明治
閩無狀宜罷相臣雅才宗明下吏部疏其治行卒得
調終巡撫都御史

田秋吳龍詹瑩梁廷振

見按察使

韓楷劉寅吳鵬

秀水人終吏部

尚書王積朱憲章

憲章字良範進賢人嘉靖進士為給事中敢言事歷
福建叅政居宮清約歸與羅洪先唐順之相聚講學
秦鰲

鰲字子元崑山人嘉靖五年進士授兵科給事中閣
臣張孚敬以星變為吏科都給事魏良弼所劾不自
引咎抗疏辯抵鰲力陳其罪
世宗以忠謹嘉
之歷本省副使左右叅政
丁以忠

以忠字崇義新建人嘉靖十七年進士筮仕刑曹諸
疑難大獄多所裁決出守河間發粟賑饑却賄明法

歷閩藩叅政所在尸祝終南兵部侍郎有定噪卒功
余勉學

勉學字行甫孝感人嘉靖二年進士授錢塘令擢監
察御史言汪太宰秉銓不法狀
肅宗震怒下

詔獄尋以汪敗得釋竟用浮躁左遷回翔州郡九十
餘歲久之陞福建叅政晉按察使遂致政歸勉學歷
宦三十餘年田宅靡增於舊

陳紹儒

紹儒字師孔南海人嘉靖十七年進士授戶部主事
晉為郎詰內豎混竊之奸革倉庫積年之弊遷湖廣

按察副使以權貴人指摘文致其罪謫泉州府同知
未赴改南昌久之歷轉福建叅政下艱補四川尋轉
按察使肅政明刑憲度惟戢終南工部尚書

周相曾干拱

見左布政

張翰

仁和人終吏部尚書

劉佃周賢宣

見右布政

右嘉靖中任

顧問秦塗

右隆慶中任

宋儀望顧言徐中行

見按察使

方邦慶李臺余立王懋德

懋德文昌人隆慶二年進士繇南刑部郎出為金華
守以廉察舉累擢福建右叅政會有疾度不可起遂

請歸同官以懋德家海外病不可涉遠因留之懋德
曰某父母年各八十餘違定省十有六年矣徼福諸
君萬一生見父母歿且瞑於是同官爭致懋德懋
德固推不受皆曰君不有父若弟乎懋德曰吾瓊故
魚米鄉家粗自足而吾以十六年所餘月俸佐仲產
為二親養安所事諸公贖且吾不留而亟行懼以歸
櫬累閩人也懋德至延平不能前竟卒臨盡為書謝
寮友誓不受裝藩長費堯年聞於使者使者循故事
括六白金遣使傳護之至則授金於其父其父曰吾
子業有成言吾卽老奈何沒六白金傷吾子義吏固
請固益却僅收其奠金曰為我謝諸大夫老夫老且
歿海外無能報也

楊標呂鳴珂張封侯堯封王民順趙焯史繼宸錢拱
宸詹思虞沈李文

季文字少卿吳江人萬曆五年進士高第來為督糧
叅政收兌有法出納惟謹攝布政篆一以仁恕為本
而祛弊不遺餘力終河南巡撫都御史

蕭良譽

良譽字以孚漢陽人萬曆八年進士歷福建叅政清
苦介特謙厚慈仁接引名士若饑渴人謁之不知其

為上官監司也閩省當荒歛之後良譽為政什九從
寬時郡屬諸生忤內使平民乘釁幾亂良譽詣撫臺
調停其間進諸生陽抑而陰護之事得冰釋尋以邊
才調任卒於家

高從禮

見按察使

孫光啓沈傲烝俞士章

士章字汝成宜興人萬曆十一年進士歷本省叅議
副使叅政分部漳泉福寧整防戎政勤恤民隱斤斤
法守不失尺寸

沈一中

見按察使

竇子佩

見左布政

程達吳思學饒景暉潘陽

春張鳴鵠崔思訓戴王言程朝京

朝京字元直新安人萬曆癸未進士自南部郎擢守
泉州輯清源文獻韓魏公故產郡解有祠在郡中郡
堂名忠獻朝京悉復其舊其治主簡靜和平分毫不
擾居二載念母力乞歸養最後以副使備兵漳南建
牙上杭上杭在萬山中奸宄所伏朝京力飭戎備課
士習騎射壁壘旌旗煥然一新民有張寶者蓄金蠶
毒所殺已三十餘人朝京捕治論如律積害遂除以
薦轉叅政仍舊轄亡何引年歸朝京才情疏暢好善
如不及為文口占下筆如流尤精藻鑑在泉州識拔
士後皆知名

右萬曆中任

左叅議

鄭湜

湜字仲持浦江人洪武中有誣其家交通賊臣者禍且不測湜與其兄濂爭下獄
太祖問之召見慰諭甚至授湜為本司左叅議吏民稔聞其家聲相戒勿犯豪將病民湜與爭可否亦自帖服南靖縣民為亂誑誤者數千人部曲多掠其婦女為婢湜言於諸將悉縱遣之有商為盜所殺盜既獲以無屍可檢驗不服湜夜取盜鞫訊縛囚置庭而匿吏案下俾聽其私語果得其藏屍處閩人以為神

郭璫

璫洪武中為福建叅議咨詢民瘼興學勸士立政事處官僚不同而和嘗遇祭祀猪羊已備御史嫌其小輒退之民訴璫璫殊書牲頭角曰驗中卒用之

江壽祖

壽祖歙人太學生擢福建叅議清謹自持四載卒官民為涕泣

右洪武中任

楊成

成成都人建文中以刑部郎中謫知新喻介直無留
事民吏慕仰之終福建叅議

吳祥

祥在平人學識出眾繇監生歷仕有聲累官福建布
政叅議卒祀鄉賢

李文華劉隆見副使孫恪

恪鄒平人洪武末為懷柔簿邑民頌德陞知縣累遷
福建叅議律身廉謹家無蓄積惟收書以遺子孫

楊鼎苗賢

右永樂中任

李珏樊翰陳羽

右宣德中任

金敬劉萃荆璞趙象

右正統中任

劉琛趙度李廸鄧履純

右景泰中任

李春

春無為州人正統元年進士任兵科給事中有直聲
擢福建叅議汀有羣盜親抵巢穴諭降之陞江西左
叅政時洞酋作亂亦諭使馴伏歷任三藩聲蹟著茂

盧雍

雍江寧人天順元年進士自武庫主事歷叅閩藩終湖廣布政使皆有政績居父喪廬墓三年有產芝之異詔書旌表

趙昌

見右叅政

右天順中任

丁本裴衷

衷字秉彝石康人景泰五年進士歷福建左叅議剛介不附權勢歸日圖書數卷

陳渤黃澄馬孔惠沈暉

見右叅政葉萱

右成化中任

程廷拱

廷拱字獻之浮梁人成化十一年進士歷本省叅議榜禁不法三十餘事並切時弊開渠建陽以利灌溉福寧諸路凶札設法賑濟累官右布政使

熊祿徐貢冒鸞

右弘治中任

彭夔陳炫湯

一作楊

繼文周廷用

廷用字子賢華容人正德六年進士令宜黃人為監察御史巡按貴州中當事者忌出為僉事既叅議福

建與尚書林俊論詩文於壺山之陽歷掌江泉都御史汪鉉以私憾摘黜之廷用個儻豪岸濶視放言論人長短不作遷合而文人騷客則恣勢與交推讓延譽且廉介之節始終一轍

右正德中任

謝顯程旦

旦字孟明歙人嘉靖二年進士授戶部主事裁抑權倖不附時相歷本省叅議終布政使制行修整事不畏難孝廉方正鄉里著稱

歐陽必進

安福人終吏部尚書

方紀達

紀達字行可歙人正德十二年進士宰南豐襄陽皆以廉著擢南給事中抗章力詆張桂居常曰諫官遇事如障狂瀾冒弩矢衝波駭機寧暇避耶調廣西僉事轉福建叅議入賀道卒無資以歛婚友合贈稅收之

焦煜徐樾孫雲夏寶戴鯨吳源

源字宗乾錢塘人嘉靖十七年進士以江西僉事遷本省叅議閩道里因遠阻京師令歲出其所徵易輕齎市諸物以輸而所市物利害相去或倍蓰掌輸者偶值其害卽破家不足償源至三分其等為上中下

以極利兼極害者中則自為一等無所兼輸者趨便而役益集久之御史某以清軍至檄源厚聚將以貽所趨附源却之竟被撻改遷江西副使

熊洛

見左

劉子興

見右

姚梧暉

紹芳宗臣金立敬

宗臣

立敬並

黃肫陳一松

見按

見副使

右嘉靖中任

劉志伊楊芷

右隆慶中任

張尚大戢汝止歐陽柏鄭汝璧

汝璧縉雲人隆慶二年進士為郎刑禮吏三部以才

名著稱歷本省叅議終副都御史

范謙

謙豐城人隆慶二年進士改翰林以得罪江陵相出

為本省叅議後仕至禮部尚書為人坦夷和厚

駱問禮甘來學徐秉正朱熙洽劉弘道吳之望余懋

中陳良材吳之鵬

之鵬武進人萬曆五年進士以僉事分部福寧撫愛

善良抑遏刁惡時警報頻傳兵食多事處之裕如以

叅議填漳南

俞士章

見左

陳治本楊廷槐

右萬曆中任

右叅議

王鈿

見左叅政

右洪武中任

李華葉仲英

英一作賢

辛彥博

彥博汾州人初名彥德洪武中入太學以名經篤行

著名高皇帝重之授監察御史賜名彥博擢

浙江按察使其後以論事忤旨遷調不一永樂初被

繫編戎召還御史補福建叅議伴送瓜哇使貢至行

在所成祖知其名曰是老實辛面命陞浙江

左布政使公正無私清脩苦節

楊鼎李珏樊翰

右永樂中任

耿定唐世良徐傑牛肆

右宣德中任

周銓

懷遠人歷南臺都御史

陳浩陳琰

琰江都人為御史巡按雲南臺院東有烟縷若鬼狀

向訴者琰使人詒其家云有人謂汝有藏書可連篋

付閱遂得江西商引於其篋中推訊所繇得屍室下

人以為神陞本省叅議後官至布政使

竺淵

淵奉化人宣德八年進士來叅閩藩時礦徒流劫淵董巡坑之役誅擒殺過當礦盜怨之被害於福安縣之劉澤坑事聞封鎮山護國侯祠祀之

右正統中任

陳雲鵬劉彰

右景泰中任

劉益張雄尹淳袁芳李澄

澄字希范上海人天順元年進士歷福建叅議恬靜不競有古人風

右天順中任

黃霖崔儀孔宗顯葉祚史琳

琳字天瑞初姓張復姓史餘姚人成化二年進士授工科給事中抗章歷論無所避撓出為福建叅議奉勅督理銀課同官納賄將啓礦琳堅阻之後歷右副都御史巡撫直隸兼提督三關入為工部侍郎轉右都御史破虜榆林有璽書之褒卒贈太子太保琳寬厚喜談兵習太乙六壬遁甲等術卒用邊功顯

梁芳孔舉

右成化中任

任毅

毅字生之橫州人成化八年進士為戶部郎中擢福建叅議先是治中歲採銀叅議顯督所入久之脉耗採絕民至攤償流亡者衆毅行視得其狀慨然曰民困至此所司不言豈朝廷設官意哉獨上章請罷之得報如請坐為同官所忌調叅廣東直氣益厲見事敢往竟為忌者交毀罷

王琳蔚春黃華

華字實夫歙人少受業商文毅輅輅器重之登成化

十七年進士起家金溪平江二縣歷本省叅議汀漳

流賊作亂討平之見逆瑾招權上印綬歸

右弘治中任

史學

學字文鑑溧陽人成化進士授戶部主事歷本省叅議以清慎勤能稱後陞山東左叅政築河擒賊有功同官與憲臣交惡見波及遂忻然賦歸

徐文溥

文溥字可大開化人正德六年進士授南禮科給事中彈劾不避權勢叅議福建廉介人不敢干以私仕終廣東按察副使

裴壤

壤字本原慈溪人弘治六年進士授行人歷本省叅議總理糧儲見倉困空虛軍士或數年不受粒米廉其故在糧長私歲賦有司受賂不問乃糾貪懦懲奸猾擇謹慎吏董其事而躬親照刷賞罰必信復檄郡縣糴穀入便民倉經畫周密可久遠上抗流賊攻陷縣治聲挫數郡壤職兼分守召兵募民截守要害設法擒渠魁諭撫餘黨悉歸之農

茹鑾鄭毅

毅上饒人弘治十二年進士授南北兵曹郎歷福建

叅議終右副都御史以才能稱

右正德中任

李際可魏祭

見左叅政

蕭瑞張拱辰

拱辰字仰德順德人正德十二年進士郎戶部監太倉尚書侯觀欲私槩人拱辰不少徇成化以來鹽法改折先所給行有數世候支者黠商潛賄計漕通於內閣中貴人祈四朝鹽引偕發拱辰抗言四朝偕發則成私鹽且擁不行鹽擁不行則利入微商人不懷失信商人虧折國賦非細故也拱辰一日去位則惟諸公衆不能奪陞福建叅議罷歸拱辰剛直喜急人

難見不善叱咤之家居身自耘瓜妻子不給

蕭廷傑揚瑀

瑀崇明人正德十二年進士歷本省參議侯官逸囚變與布政查約同遇害

吳章王學夔

見右布政胡松

松字茂卿績溪人正德九年進士為嘉興司理召入

為御史出按山東引疾歸再起論王瓊忤內閣意謫

理廉州量移至福建僉事分部泉州庫亡金繩守藏

急松廉得攝者通吏奸狀出守藏釋之永春民聚族

追逋寇歷山鄉鄉民以為寇也縱擊之獲四十人皆

誣服松得其狀賴以不寃尋進布政司叅議泉中城

有院以居癘者豪睨其地欲得之聞部使者部使者

下議徙癘海島上松曰縣宮閔焉以先無告如之何

徙棄之以中豪家卒格之終工部尚書

吳大本陳東

東字約之勤人個儻有大志穎慧絕倫泛濫百家言

登嘉靖八年進士授翰林庶吉與王慎中唐順之田

汝成諸子相友善日夜陳說藝文侈論吟議時當道

被縣官眷遇朝士奔走其門束歲時望門役刺而已

當道啣之坐出為湖廣僉事乞骸骨秉銓者念之擬

注提學山東乃稍徙而閩悒悒侘傺左右圖史置酒

一壺且誦且飲時時仰屋嘆然每出治掄括案牘窮

日夜不少休廢與學士先生接周旋款語無不人人
滿意者改督學河南仁何卒
曾存仁

存仁字懋遠吉水人嘉靖二年進士授禮部主事排
光祿丞何淵請廟街事與脩明倫大典丁艱起浙江
右叅議痛抑中官崔成坐逮繫獄踰月調福建覈視
司篆剔蠹剗奸巡按御史某候代延平存仁不往謁
北行遣吏持空緘送之境上御史嘆之不列於薦書
吏部知之出御史為知府而遷存仁廣西叅政存仁
持身廉待下恕時與鄒文莊羅文恭講學龍華雪浪

間

黃福柯喬

並見副使

秦鰲

見右布政

何鰲

鰲字巨卿山陰人正德十二年進士初授刑部主事
諫武皇南巡被杖後累遷刑部尚書

楊大章陳如綸

如綸字德宜常熟人嘉靖十一年進士初為侯官知
縣始至不見鋒鏑曹史易之一日悉至堂下以次摘
發如對案籍皆膽落伏地謝自是不敢售欺至於辯
冤獄獨擒劇盜密察寡婦訟子之情一縣神明之然
未嘗以子子盡人事必持大體先教化訟有關倫理

者使謹實鄉老誨諭之動其良心有涕泣罷者名能
知文所品題士如王應鍾舒汀楊一謨葉廷萃酈元
紛輩多至顯達諸生林樹舉羅一鸞魏文煥以會文
觸夜禁時持之入見索其袖中文大奇之三人因而
受業後皆舉進士他日與科場畢以宴中銀卮歸其
妻驚曰君故清白何為此染葢如綸素絕苞苴妻不
習見耳為叅議數月卒

徐文通吳天壽

天壽宛平人嘉靖二十年進士駐節福寧鎮靜不擾

顧紳

紳慈溪人嘉靖十一年進士叅閩藩出鎮福寧州時
當多事議取協濟銀於福邵延建藩司鹽運得四萬
九千七百有奇廣募軍民兵為備州以無事

陳綬

綬西安人革舊時折乾之弊士民安之

萬民英

民英易州人嘉靖二十九年進士以御史出為僉事
作鎮泉州倭寇方盛常出身先將士勦滅之復時時
召致謀勇入軍撫諭陞本省叅議

秦宗道金淵

見副使

黃希憲

希憲金谿人嘉靖三十二年進士以叅議轉福寧却
二屬縣供具曰州足矣去日出州供之餘與贖錢若
千悉籍之庫

右嘉靖中任

李紀

紀泗州人嘉靖進士先為南戶曹以創獮卒著聲僉
憲湖湘分守福寧道建籌邊樓留意學校課士禮賢
擢饒州兵備去之日士民擁送有垂涕者

徐作

右隆慶中任

徐時可

時可黃岡人嘉靖進士有長者稱
喬懋敬聶廷璧鄭秉厚張封謝師啓喬木楊德政吳
嶙陳應芳張鼎思馬邦良王志劉毅吳中偉

右萬曆中任

察屬賢者附後

劉廷蘭武陵人洪武中鄉薦授本同理問陞工部郎
中歷官清慎終惠州知府
梅芳黃陂人正統間歲薦朴實多大節任本司理問
平寇千餘居鄉力行古禮冠婚喪祭鄉人則之

謝瑩字懷玉餘姚人正統中以資授本司都事廉謹
有守鄧茂七作亂欲脇從漳州民號於衆曰不從早
晚屠城漳州民畏死欲應之兩司重臣以罷卒士兵
委瑩狗定且命之討賊意以事敗則罪歸瑩功成則
已有之瑩至漳惟以忠義感激人心漳人皆喜樂為
用不數日賊盡就擒而出漳於難後以孫遷貴贈少
傳

按察司

按察使一員副使二員僉事四員

已上俱舊制後

又添註督學兵備海道屯田諸郡分巡經歷知

事照磨簡較各一員司獄一員

陶鑄

鑄字屋仲鄞人少孤貧懷竒負氣洪武十五年以國
子聘授監察御史劾奏刑部尚書開濟韓國公李善
長等朝中肅然未幾陞福建按察使下車進耆老諮
民瘼禁豪強戒侵漁與諸生講經習射執賓主禮時
左布政薛大昉貪婪無厭鑄入京疏劾之大昉亦誣
屋仲并逮去民冀其復來為之祝曰陶使再來天有
眼薛公不去地無皮後得直復任民人忻躍相迎於

郊

阮友彰

友彰廬陵人為按察使以廉幹稱左遷河南副使以事謫戍復起為交趾副使

右洪武中任

李觀朱應祖邵玘

見巡按

右永樂中任

李素

素平谷人繇國子生以副都御史調剛方簡重憲度肅然秩滿民遮留之進二品祿

右宣德中任

謝莊

正統十年吏部言莊誘取福州左衛指揮張欽女為妾又與左布政使方正挾妓飲酒事見正

下遂與正

方冊陳璞

右正統中任

楊珏

珏臨海人正統元年進士公勤直諒因遠奸佞

讒謫左遷知黃州

胡新

右景泰中任

馬文升

文升字負圖禹州人景泰二年進士授御史按山西湖廣有聲來為按察使憤鎮守中官擾民輒繩以法民戴其德歌謠載路仕終吏部尚書為弘治中名臣卒贈太師諡端肅

右天順中任

張鵬

鵬字騰霄涑水人景泰二年進士天順初石亨恃寵干預鵬為御史率同列極詆其罪謫戍鐵嶺尋改南丹成化間起福建按察使歷兵部尚書

劉敷

見左布政

洪弼唐彬

見巡按

溫宗

見左布政

劉城

城字廷高鄱陽人景泰七年領天順鄉薦以御史陞福建副使劾弊發伏上抗盜劇城梟渠魁散其脅從陞本司使風紀益勵勢家海販屏跡歷右副都史御王繼見鎮守謝綬巡撫綬字維章樂安人景泰五年進士自陝西叅政陞本省按察使忠厚仁恕民陰受惠終南禮部尚書

右成化中任

高崧

崧字鍾秀襄城人成化二年進士授南大理評事累本省僉事副使按察使在閩最久觀風問俗悉人情

偽刑簡不苛輿臺門隸之役視尋常省半遷右僉都御史

張玉

見右布政朱瓚吳洪

洪字禹錫吳江人成化十二年進士起家南刑部郎歷福建按察使明恕清白斷獄無枉城北常有虎患洪為文禱告虎遂去建延大水民貧且互劫輒便互拯濟汀漳軍餉缺盜賊蜂起取征商之羨賑之徭戍者有所索守臣集三司議洪曰不與則致叛與之則為例不若以賞為名而姑與之羣僚嘆服皆從其議洪為人和不侈莊而不倨在官聽訟以情數辯疑獄布政司更有微罪鎮守中官啣其使欲重罪吏以為使累洪厲聲曰殺人媚人吾不為也仕終刑部尚書

陶琰

見左布政

荆茂汪舜民

舜民字從仁婺源人成化十四年進士除行人擢御史歷本省按察使福清盜竊官鏹當道蹤跡捕賊有怨家誣三十象抵罪舜民察其枉召捕真盜竟坐誣者夏久旱不雨舜民聞州縣用法刻深獄蔓疫起即躬治福州獄出其寃抑非當大辟悉流遣之雨下三日如注武夷宮藏仙人顱骨惡其惑眾且以暴骨有

傷天和檄埋之舜民重風節發言舉事必本於仁義
忠孝歷南都察院副都御史大輅益氣並之兩下三
右弘治中任

李貢

貢字惟正蕪湖人成化二十年進士為本省按察使

器識宏遠讞獄明慎仕終兵部侍郎

夏景和陳珥

見左布政劉遜

遜安福人成化十四年進士授南京監察御史上疏

論中官蔣琮謫知武崗州以事逮繫詔獄謫四川後

按察本省

王恩周季鳳

季鳳字公儀寧州人弘治六年進士來為按察使鎮

守中官縱諸牙卒摧攘商稅所在騷然季鳳禁戢杜

絕之歷右都御史

王金盧宅仁

宅仁字伯居四會人弘治十二年進士自雲南副使

陞任以能決冤獄稱仕終雲南右布政粵人稱宅仁

為博雅君子

右正德中任

舒晟周廣

廣字克之太倉人弘治十八年進士授莆田知縣道
出會城例謁鎮守中官時率行重賄廣徒手不為具
至官日禮者俊詢利病諸所興革咸飭人心甫期月
母卒官貧不能殮粥釵釧襄事後擢監察御史以發
錢寧僭擬皇儲奸狀謫懷遠驛丞嘉靖初視學江西
璽書褒嘉卓異遂移總閩憲閩故多盜廣分部所屬
伐其渠魁申勅憲章釐革蠹弊凡會讞獄齋戒禱神
開釋冤抑叅伍之下咸得其情鎮守中官以廣初至
啗之以金廣不省真諸府藏比鎮守告窘取金還之
因以綱條解諭鎮守憚服其後有中官督織造者橫
索民財有司莫能抗廣移檄禁遏繩其奴從居三年
擢右僉都御史巡撫江西歷南刑部侍郎

周用

用字行之吳江人弘治十五年進士授行人遷南兵
科給事中歷本省按察使推鞠平恕獄無冤民中貴
人鎮守市舶日責館人供具苦於劇費用例削其數
公私稱便仕終吏部尚書卒贈太子太保諡恭肅用
有文學詩畫俱美為人肅括不落時態

吳山

山字靜之吳江人供之子正德三年進士授刑部主

事陞員外郎諫人始武廟南巡罰廷跪五日历本省按察使山以聞其先人芟棠治所聽斷公明法中行恩吏民思洪美山為之歌曰鳳之棲兮雛來儀民之瞻兮具是依仕終刑部尚書

朱裳

裳字公垂沙河人少勵清節正德九年進士擢監察御史按山東西阻撓權貴還朝諫止南巡數變人榮惑之禍嘉靖中歷轉閩憲仕終副都御史裳別歷中外官至九卿寒約如一日自號安貧子

胡岳

岳字仲申華亭人正德九年進士起家刑部王事歷官楚蜀粵三省遂總閩憲數據法直民死罪按贓吏不以御史意假貸或時正議御史前御史為面赤流汗閱故牘得未報事晨夕檄下諸郡縣日以八九至吏傳寫不能給而岳聽讞綽如暇手校四書五經及朱晦庵集以傳仕終大理寺卿

徐乾

見右布政

郭持平

持平字守衡萬安人正德十二年進士官本省按察使仕終南刑部侍郎以講學名於時

曹嘉

嘉字仲禮陝西寧州人空峒李夢陽甥也正德十二年進士擢侍御史慷慨有意氣嘗劾奏吏部尚書喬宇品列廷臣五十人為四等坐連貶茂州判官後歷陞閩憲使

喻茂堅

茂堅字汝礪滎昌人正德六年進士筮仕黃岡治行卓異擢御史守正忤時後歷兩郡所至遺棠陞本省按察使敦崇大體終刑部尚書

嚴時泰

時泰字應階餘姚人正德六年進士以鎮江同知轉福建齟司同安縣浯州場在島嶼中不輸課賦者三十餘年前吏畏風濤莫敢往時泰泛海抵場旬餘輸稅萬計後歷本省按察使尋巡轄四川以俘斬都蠻功陞南工部侍郎

顧夢圭

夢圭字武祥崑山人嘉靖二年進士自河南副使陞本省左叅政分守延郡汀建山寇竊發冒暑雨涉鳥道捕獲賊首五十餘羣黨解散擢本省按察使屬吏有席權要貪濫者覆按置之法又豪富人主使殺人行路抵從者罪夢圭盡發其奸翻易成案人稱神明

遷江西右布政使夢圭官轍所至清苦一跡又不規
規仕進竟以強年解組

梁廷振

廷振字伯綱南海人嘉靖二年進士自兵部郎中出
為廣西副使同叅政翁萬達監督諸軍勦斷藤峽平
府江諸徭遷福建右叅政督理糧儲公餘講學閩士
嚮風進按察使憲度貞肅比入覲不持一物遷浙江
左布政使

王汝孝周延李義壯

義壯字維大番禺人嘉靖二年進士起家仁和令歷
本省按察使革冗弊清吏蠹杜請托仕終僉都御史
義壯讀書能文章砥礪名節士論歸重

張鏊

見右布政

周采

采字子亮寧鄉人嘉靖十一年進士從羅文恭徐文
貞游養深守定臨事不撓自陝西叅政遷本省按察
使累副都御史

王昂范欽楊應奇趙維垣

見左布政

李磐唐禹袁襲裳姜

良翰劉天授

天授字子全萬安人嘉靖十一年進士初知龍溪縣
興學舉廢修纂志書歷本省按察使

杜拯萬衣汪道昆見撫張子弘陶承學

承學字子述會稽人嘉靖二十五年進士授中書舍人擢侍御史在臺六年甚著風裁後歷官閩憲丁內艱歸承學廉能卓異所至誠信蒞事部內衣冠無敢私干請問遺宴會不相往來或謂宜少假借以通士大夫之情承學曰彼自無求安用拒自無饋安用辭然風貌藹藹襟度汪盜見者敬而愛焉終南禮部尚書子望齡會試第一及第第二

塗澤民劉佃

文章如劉佃右嘉靖中任

劉子興

見右布政

黃華李遇元周賢宣

見右布政

陳一松

一松字宗巖海陽人少孤貧事母至孝嘉靖二十五年進士選翰林庶吉士除兵部郎遷湖廣僉事乞終養免服補廣西僉事遷福建糧儲叅議催科撫字公私兩給歷福建按察使仕終工部左侍郎生平儻有大節脂膏剋核皆所不事所至民祠祀之

熊琦莫如善鄒善

善字繼甫安福人福建僉事賢之孫文莊守益之子嘉靖三十四年進士自刑部郎歷本省按察使克承家學潛心研究居官擔負屹然特立

右隆慶中任

李鳳徐中行

中行字子與長興人嘉靖二十九年進士授刑部郎
從李攀龍王世貞為古文辭出知汀州至官廣寇蕭
五擁萬眾猝來寇郭外男女爭避入城門者闔之有
相蹈藉歿者中行戒令遠斥堠亟開閩身坐闔前引
緡分途別男女以次入諸縣令各受教飭兵登陴賊
不能破轉圍指揮董璫壘係累男女數百中行以一
旅解之盡奪其俘又策賊且走走必繇高吳道俾武
平令徐甫宰伏兵徼破之擒其酋又念山海寇無已

時而三圍當要衝議城之以一通判控治得報可自
是寇盜解散下艱歸服闋補汝寧中忌者左遷尋叅
議雲南歷福建按察副使晉布政司叅政治糧儲市
猶憑城社者七十餘家卒據公廩以病閤伍悉寘之
法逾年晉按察使監文武試所得多名士入覲遷江
西右布政

朱奎蔡汝賢吳一瀾張楚城陶大順

見左布政陳文燭

見右胡直

直字正甫泰和人嘉靖三十四年進士歷廣東按察
使丁艱杜門用薦起閩憲力辭不得強赴任竟卒閩

中直才豪好奇喜談孔文舉郭元振李太白蘇子瞻
文宋瑞之為人既又慕效李夢陽何景明之文章繼
自省忿躁輒著格物論駁王文成之說為未然既又
自覺其非就正歐文莊羅文恭而學焉所著書多行
於世

顧褒張偁

見右布政

費堯年陸萬垓

萬垓字天溥平湖人隆慶二年進士初授福寧州聰
敏絕人剖決如流胥吏不能得訟者一錢兵興賦增
極力節縮當道文移有不便者輒反覆辯折海產鹽
而鹺酒與巡徼者通每魚肉之厥價湧貴萬垓補治

一二奸人鹽以大通歷本省按察使終都御史

劉尚志王橋陳性學

見右布政

徐應奎楊德政沈一中

一中字長孺鄞人萬曆八年進士起家禮部仕至山
東叅政力乞終養親終起本省右叅政分鎮漳南紅
毛番夷乘巨舸備戰具挾我一片地為市易區礦稅
中貴人入其賄許之一中力爭曰此廣東香由故事
也尚可許乎遣禪帥沈有容津諭之紅毛番夷降心
回舸陞按察使終貴州布政司一中溫栗文雅內廓
然有容而執正不阿有兄為時相歛退不見形跡棲
遲外服泊如也

高從禮
從禮字質甫仁和人萬曆十四年進士以刑部郎歷
福建按察副使主屯鹽尋以藩叅治閩粟遂擢憲使
治兵漳南奸人妄奏言福建鹽使司多滯引粥之得
十五萬金乘傳磨來商竈憂擾從禮時主鹽法挺身
疾辯為輸餒四千有奇而止朝遣中使出榷稅為暴
橫從禮輒持關鍵送機牙以制之自是嚴憚不敢發
為人耿介端莊精吏事無留牘為境內興利除害蚤
作夜思至達旦不交睫遂有陰陽之患以齋捧便道
抵家卒未究所施海內惜之

沈傲炆吳之鵬饒景暉

景暉南昌人萬曆中進士先為本省提學精心較閱
率得名士

沈麟祥陳邦瞻

見右布政

葉其蕃蕭近高程達

右萬曆中任

